

1322.

Na osnovu člana 12 stav 5 Zakona o zdravstvenoj zaštiti bilja ("Službeni list RCG", broj 28/06 i "Službeni list CG", broj 28/11 i 45/15), Ministarstvo poljoprivrede i ruralnog razvoja donijelo je

**NAREDBU
O MJERAMA ZA SPREČAVANJE UNOŠENJA ŠTETNIH ORGANIZAMA NA
BILJE, BILJNE PROIZVODE I OBJEKTE POD NADZOROM KOJI SE PRENOSE
DRVENIM MATERIJALOM ZA PAKOVANJE
PORIJEKLOM IZ KINE***

1. Drveni materijal za pakovanje porijeklom iz Kine može se unositi u Crnu Goru, ako fitosanitarni inspektor na graničnim inspekcijskim mjestima, nakon izvršenog fitosanitarnog pregleda, utvrdi da je drveni materijal označen i da ne sadrži štetne organizme.

2. Materijal iz tačke 1 ove naredbe, osim drveta proizvedenog lijepljenjem, topotom, pritiskom ili njihovom kombinacijom i materijala za pakovanje u cijelosti sastavljenog od drveta debljine 6 mm i manje, je drvo ili proizvodi od drveta koji se koriste za potporu (pridržavanje), zaštitu ili prenošenje roba, u obliku sanduka, kutija, gajbi, bubenjeva i slične ambalaže, paleta, sandučastih paleta (box pallets) i ostalih podloga za utovar, okvira za palete kao i potporno drvo koje podupire pošiljke drveta (dunnage), koji se koristi za pakovanje i prevoz određenih roba tarifnih oznaka datih u Prilogu koji je sastavni dio ove naredbe.

3. Ova naredba stupa na snagu osmog dana od dana objavlјivanja u „Službenom listu Crne Gore”.

* U ovu naredbu prenešena je Implementirajuća Odluka Komisije 2013/92/EU od 18. februara 2013. godine o nadzoru, provjerama zdravstvenog stanja bilja i mjerama koje se moraju preduzeti za drveni materijal za pakovanje koji se stvarno koristi za prevoz određenih roba porijeklom iz Kine (Commission Implementing Decision of 18 February 2013 on the supervision, plant health checks and measures to be taken on wood packaging material actually in use in the transport of specified commodities originating in China) i Implementirajuća Odluka Komisije (EU) 2015/474 od 18. ožujka 2015. o izmjeni Implementirajuće odluke 2013/92/EU o nadzoru, provjerama zdravstvenog stanja bilja i mjerama koje se moraju preduzeti za drveni materijal za pakovanje koji se stvarno koristi za prevoz određenih proizvoda porijeklom iz Kine (Commission implementing decision (EU) 2015/474 of 18 March 2015 amending Implementing Decision 2013/92/EU on the supervision, plant health checks and measures to be taken on wood packaging material actually in use in the transport of specified commodities originating in China).

Broj, 320-4950/16-4
Podgorica, 23. septembra 2016. godine

Ministar,
Budimir Mugoša, s.r.

Prilog**Tarifne oznake određenih roba**

Oznaka	Opis
2514 00 00	Škriljac, uključujući grubo tesan ili siječen testerom ili na drugi način u blokove ili ploče kvadratnog ili pravougaonog oblika
2515	Mermer, travertin, ekosin i ostali krečnjački kamen za spomenike ili građevinarstvo, prividne specifične mase 2,5 ili veće, i alabaster uključujući i grubo tesane ili sječene testerom ili na drugi način, u blokove ili ploče kvadratnog ili pravougaonog oblika
2516	Granit, porfir, bazalt, pješčar i ostali kamen za spomenike ili građevinarstvo, uključujući i grubo tesane ili sječene testerom ili na drugi način u blokove ili ploče kvadratnog ili pravougaonog oblika
6801 00 00	Kocke za kaldrmu, ivičnjaci i ploče za trotoare od prirodnog kamena (osim od škriljaca)
6802	Obrađeni kamen za spomenike ili građevine (osim škriljaca) i proizvodi od njih, osim proizvoda iz tarifnog broja 6801; kockice za mozaik i slično, od prirodnog kamena (uključujući i od škriljaca) na podlozi ili bez podloge; vještački obojene granule, ljuspice i prah, od prirodnog kamena (uključujući od škriljaca)
6803 00	Škriljac obrađen, proizvodi od škriljca ili aglomerisanog škriljca
6908	Glazirane keramičke pločice za popločavanje ili oblaganje; glazirane keramičke kockice i slično za mozaik na podlozi ili bez podloge
7210	Plosnati valjani proizvodi od gvožđa ili nelegiranog čelika, širine 600 mm ili veće, platirani ili prevučeni